



SEbastianus ille Colmaria in Alsatia natus & educatus fuit. Is postea sese ad varias Academias conferens, magnam (ut ea tempora ferebant) eruditionē nactus est. Factus est enim Philosophus, Orator, Poëta, & Mathematicus, præterea trium linguarum Hebraicæ, Græcæ, & Latinæ utcunque peritus. Postea in patriā reuersus, primò presbyter, deinde canonicus electus fuit. Inter alia studia etiã Theologiam amplectebatur, in qua ille supremum dignitatis gradum doctoris adeptus est. scripsit is de laudibus Germaniæ, & in Baptistæ Mantuani opera Commentarios, circa annum Domini 1494. Vixit autem longo tempore, atq; renascentis

Euangelij lucem uidit: Verùm in inueteratis opinionibus perseuerans, in disputationibus publicis primis authoribus plurimum ad finem uitæ usque reluctatus est. Trit.